

Ingrazchamaint da la Svizra rumantscha

Autor(en): **Stricker, Aita**

Objektyp: **Article**

Zeitschrift: **Heimatschutz = Patrimoine**

Band (Jahr): **64 (1969)**

Heft 1-de: **Gedenkschrift für Dr. Dr. h. c. Ernst Laur**

PDF erstellt am: **29.04.2024**

Persistenter Link: <https://doi.org/10.5169/seals-174115>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

speculazione privata. Lo dichiarò esplicitamente allorché prese commiato da questo ente preposto alla difesa del patrimonio nazionale. Non per nulla Egli contava nel nostro Cantone vecchie ed illustri amicizie. La Svizzera Italiana ha tutte le ragioni per onorarne la memoria. Noi siamo grati a

Ernesto Laur per la grande lezione di elvetismo e, insieme, di europeismo, che ha saputo dare alla Svizzera alemannica, e per la comprensione e l'appoggio dimostrati in favore delle minoranze etniche, nel corso di un'attività esemplare, di alto valore civico e culturale.

Ingrazchamaint da la Svizra rumantscha

«Lascha esser teis fats sco teis plets e teis plets sco teis fats.»

La vita da dr. dr. h. c. Ernst Laur as revelet i'l plü profuond maniamaint da quaists plets dad J. C. Lavater. – Scha'l clam da tschella riva nan nu füss gnü usche bod, sül far saira, avess il otstimà defunt vulgü lovar amo bleras mannas suot tet. Mo al ur dal champ stet quel oter grand tschuncader e det cumand da metter las armas our dal man. La Svizra perdet ün da seis meritaivels figls, ün hom d'admirabels duns spierts e da grandas capacitats da character ed indschegn.

Cun noss'Engiadina resta seis nom collià usche lönch chi darà admiratuors da sia sublima natüra.

Usche bain sco cha Friedrich Nietzsche ais stat degn d'üna tabla da commemoraiziun sülla penisla Chastè a Segl, meritess eir Ernst Laur, ch'ün s'allgordess dad el, cur ch'ün admira quella cuntrada dad unica bellezza.

D'ün spiert cun Robert Ganzoni, chattet el cha l'Engiadina saia degna dals plü grands sforzs, ch'ün uman sà prestar. La protecciun da seis admirabels lais l'inspiret a l'idea da clamar il pövel svizer al salvamaint dal lai da Segl per mez dal taler da tschiculatta. Cha quai'st'idea geniale ha salvà amo blers oters monumaints natürels e culturals tuot chi sà.

Dr. Ernst Laur ais stat il figl dal baincunschaint e respettà secretari pauril a Brugg, dr. dr. h. c. Ernst Laur, mort in ot'età dal 1964. In stret connex cull'ouvra da la vita

dal bap, as sviluppet quella da seis grand figl, il qual nus cumplandschain hoz cun cour agravà.

Daspö l'an 1930 fin a sia mort, ha Ernst Laur, insembel cun sia consorta, administrà l'Ouvra per Lavur chasana a Turitg, chi gnit fuondada a. s. t. cun mez da la Confederaziun, da l'Associaziun da Pauris svizra a Brugg ed otras instituziuns. Seis böt eira ed ais restà quel, da procurar al pövel muntagnard ün quadagn sperapro, mo bain eir da svagliar in el danövmaing il sen creativ, chi per buna part eir i pers, per s-chaffir buna e bella lavur manuala ed artischana in sias differentas pussibilitats e variaziuns. Per raggiundscher quai'st intent füt que bainbod necessari da fuondar üna scoula, ingio forzas qualifichadas staivan a disposiziun per dar l'amuossamaint indispensabel illas varias lavurs manualas ed artischanas. I'l vegl «Muglin» a Richterswil gnit acquistà e fabbrichà oura e da là davent van an per an ils muossaders our'ils comüns a muossar a juvenis pauris a dovrar resgia, martè e splana, o chazoula, per ch'els possan as güdar svesa in ed our d'chasa, cun cumodar e far lavurs cun agens mans. A Richterswil chattet eir la stüva da tessanda, viavant a Brugg, dürabla dmura. Bleras zunzas vegnan là instruidas e tuornan alura inavo in lur vallas, promovand uschea il plaschair per la tessanda a man, e procurand quadagn accessori. Pero nö be lavurs praticas vegnan muossadas a Richterswil. Eir quell'artischana: intagl da lain, pittura sün üschs e s-chaffas, chaistas, chünas e plats prospe-



4. April 1968. Dr. Laur auf Besuch bei der Handweberin Verena Leuenberger in ihrem Stöckli auf Bleiken bei Oberdiessbach (Bern).

rescha. – La fuondaziun da la scoula Richterswil ais ün'ouvra dad Ernst Laur da granda portada culturala e sociala.

L'amur per sia patria e la voluntà da mantegner la bellezza da sia natüra, han stimulà al defunt da cumbatter adüna darcheu cun curaschi e perseveranza per cuntradas periclitadas dal spiert speculativ da nos temp. El nun eira cunter ün san progress ed adattamaint als bsögns da noss dis, mo vezzaiva cun ögls averts ils privels chi imnatschaivan, dan's privar da bains irreparabels.

Patria – natüra – cultura – in seis grand e vast connex e sia expressiun – significhai van per Ernst Laur ün unic accord, chi redschaiva cour ed orma in tuot seis far e pensar.

Sco ami da nossa tschantscha, avaiva dr. Laur imprais nossa lingua. El legiaiva noss scripturs; la poesia da Jon Guidon til eira chara.

Dürant 30 ans ais dr. Laur stat president de la Società svizra da costüms. Sia devisa clera e concisa eira: il costüm ais daplü co ün solit büschmaint. El ais il vesti naziunal e dà perdütta da nossa derivanza. Til portar significha da star aint per ils bains spiertals e culturala da nossa patria. El dess esser expressiun da quaista nossa voluntà. In quaist plü profuond sen vuless esser inclet il movimaint a pro dals costüms. Dr. Ernst Laur ans ais stat exaimpel, manader e cussgliader. Grazcha a seis nöbel cour ais el stat nos ami. –

Per tuot quai cha Ernst Laur ha prestà pel bön da la cultura da nos pajais, ais el gnü undrà dal 1963 dal Politecnic federal cul dr. h. c. Quaist'onur ha el davaira merità. Nus eschan grats al destin ch'el das-chet verer a crescer e flurir la semenza da seis champ d'operiusità.

Aita Stricker

Presidenta da la Società grischuna da costüms